



AKCIJA POTENCIJAL SIPA uhapsila šest osoba zbog organiziranog kriminala

Razbijen lanac šverca lažne 'vijagre' iz Indije!

Pronađene i četiri ženske osobe za koje se smatra da su žrtve trgovine ljudima

● Preko „Arizone“ prodavali ilegalno uvezena stimulativna sredstva

Pripadnici Agencije za istrage i zaštitu (SIPA) BiH u srijedu su u akciji „Potencijal“ uhapsili šest osoba zbog trgovine ljudima i nedopuštene trgovine lijekovima, saopćeno je iz ove agencije.

Razbijen je lanac švercera lažnih lijekova za impotenciju, tzv. lažne „vijagre“, a tokom pretresa pronađene su i ženske osobe za koje se sumnja da su žrtve trgovine ljudima.

Oduzeti lijekovi

Pretreseno je 12 objekata na području Tuzle, Živinica, Bijeljine, Distrikta Brčko, Ugljevika i Mrkonjić-Grada.

Kako je saopćeno, pronađena je i privremeno oduzeta veća količina medicinskih preparata, stimulativnih sredstava porijeklom



Pijaca „Arizona“: Uvoz navodno išao preko Srbije

(Foto: Arhiv „Avaza“)

iz Indije, čija proizvodnja, trgovina i stavljanje u promet nisu dozvoljeni bez odobre-

nja Agencije za lijekove i medicinska sredstva u BiH.

Iz SIPA-e su saopćili da su uhapšeni N. Đ., S. S., E. M. I., M. S., D. S. i S. M. Iz izvora bliskih istrazi saznajemo da je riječ o Nikoli Đorđiću, Senaidu Serhatliću, Esmeraldi Isabegović, Mladenu Smoljiću, Dušanu Sladojeviću i Simi Mitroviću.

Žene zbrinute

Oni su se bavili ilegalnom trgovinom nedozvo-

ljenim stimulativnim sredstvima, a prema saznanjima iz izvora bliskih policiji, šverc je išao iz Srbije, a preko pijace „Arizona“ prema Federaciji i Republici Srpskoj.

Tokom pretresa u jednom od tuzlanskih motela zatečene su i četiri ženske osobe za koje se sumnja da su žrtve trgovine ljudima. Ženske osobe zbrinute su na adekvatan način, a vlasnik motela je uhapšen. **A. HADŽIĆ**

Višemjesečna istraga

Uhapšeni su, kako je saopćeno, privedeni u prostorije SIPA-e u Banjoj Luci radi kriminalističke obrade. Riječ je o višemjesečnoj istrazi SIPA-e radi dokumentiranja nedopuštene trgovine lijekovima iz Indije, kao i trgovine

ljudima u svrhu seksualne eksploatacije.

Ove aktivnosti realizirane su prema naredbama Suda i Tužilaštva BiH, a u saradnji s policijskim službenicima MUP-a Republike Srpske i Policije Distrikta Brčko.